

مطبعه و محل اداره :

جفبال اوغلنده امنيت
صندوغى جوارنده
شنگول يقوشنده
۲۵ نومبر

مشتاقنامه

۱۳۲۶

افطار :

مسلكه زده و افق آثار
جذبہ مع الممنونيه
قبول اولنور

درج ايدلمه ين آثار اعاده اولنماز

دينه ، فلسفه ، علوم ، حقوق ، ادبيات ، تاريخ ، سياسيات ، و بالخاصه احوال و مشورہ اسلاميه در بحث ايدرو هفته ده بر نشر اولنور .

آبونه بدلى

صاحب و مؤسسلى :

در سعادتده نسخہ سى ۵۰ پاره در

ابوالعلا زين العابدين - ح . اشرف اديب
تاريخ تأسيسى

قيرلمه دن مقوا بورو ايله كوندريلىر سه سنوى
۲۰ غروش فضله آلنير

۱۰ تموز ۳۲۴

سنه لکى	التى آيلغى	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

آلتیجی جلد

۷ ربیع الاخر پنجشنبه ۲۱ نيسان ۳۲۷

عدد : ۱۳۹

محیط‌رنده بولونان اشیایی ده‌ها واضح ودها طوغری بر صورتده
آکلامق؛ آنلری تدقیق ایتک آرزولری اوینمشد.

فی الحقیقه، افلاطونک دیدیکی کبی «انسانلرک حادثات طبیعییه
اوکنده کی عجز و حیرت‌لریدرکه فنک ایزک قمل طاشنی آتدیرمشد.»
سائق یالکز بو عجز و حیرت دکلدر. احتیاجات حیاتییه طبیعی
منتظم بر اصول تحتنده تدقیق ایتکه اجبار ایلیمشد.

چونکه، اولجه برر حقیقت اولمق اوزره قبول ایدلمش اولان
عنعنات و خرافات انسانلری پک مدهش ورطه‌لره سوروکله‌مش
کندیلمینه پک آجی درسار ویرمشدی. بو حال دخی فکر بشرده
برانتباه حقیقتجویانه اویندیرمه‌یه وسیله اولمشد.

ایشته بر طرفدن حقیقتی آکلامق آرزوسی، دیگر طرفدن
احتیاجات‌حیاتییه تأمین ایده‌بیلیمک مجبوریته یعنی بری مادی دیگری
معنوی اولان بویکی سائق الحاق‌آتیه‌درکه انسانلر طبیعی اساسلی بر
صورتده تدقیقه مجبور اولمشلردر. بو تدقیق نتیجه‌سنده (فنون)
تولد ایلدی.

فنون مثبت‌نک صورت تشکلی

انسانلر طبیعی ایلک دفعه تدقیقه قویولدقلری زمان بردن بره
کوزلری قشامش اولمکی ده‌ها برنجی حمله‌ده (فن عمومی) بی‌الده
ایتمش اولدقلرینه ذاهب اولمشلردی. ظن ایتمشلردی که، کائناتی
آکلامق ایچون طبیعت عطف نظر ایتک کافیدر.

طبیعتک عناصرت ثابت‌سی، نوامیس عالی‌سی، نظامات بدیعه‌سی
یالکز ساده بر تفکرله ادراک اولنه‌بیلیر زعمنده بولمشلردی.

یونان قدیم حکما‌سندن بعضیلرینک پک ساده‌دلانه اولان نظریات
فلسفیه‌لری بومه‌تودک بر نتیجه‌سی کبی تلقی ایدلمیلیدر.

فقط، بو خطانک اکلایلمه‌سی ایچون چوق زمان کچمکه احتیاج
یوقدی. فی الحقیقه ده‌ها اوزماندرده یونان قدیم حکما‌سندن بعضیلری
نوامیس کائناتک بر نظر سطحی ایلک کشف اولنه‌مینجه‌جق پک کوزل
آکلامشلردی. طبیعت بر معمای ازلی، بر تشوش لایتناهی‌در. ده‌قارتک
دیدیکی کبی قوانین طبیعی آکلامق ایچون استعجاله لزوم یوقدر.
هله توه‌مات خیالیه‌دن قطعاً اجتناب ایتمیلیدر. تصادف ایدیلن مشکلاتی
تقسیم و تحلیل ایده‌رک بسیط‌لشدیرمکه چالشمیلیدر.

ایشته بو فکر یرلشدکن روکره ایدی که حادثات - آره‌لرنده کی
مناسبات و مشاهاته نظراً - اوافق اوافق غروب‌لره آرمق لزومی حس
ایدلیدی. بو غروب‌لردن هر بری بالآخره باشلی باشه بر فنک موضوعی
تشکیل ایلدی. علوم ریاضیه، فن میخانیک، هیئت، حکمت طبیعی،
کیمیا... الخ قنلری بو صورتله تأسیس ایدلمشدر.

مابعدی کله‌جک نسخه‌یه

مدالی اعدادیسی مدیری

م. شمس‌الدین

فلسفه درساری

فن و فلسفه

منشأ و فنون. - انسانلر آغوش کائناته، تمامیه بیکانه
بولندقلری بو محیط غریبه آتدقلری زمان حقیقه آجینه‌جق بر
حاله بولنورلر. کندیلمینی محیطدن خبردار ایده‌جک قوا و وسائط
انکشاف لایقنی بولنجیه قدر طبیعی اشیای محیطیه حقنده اساسلی
بر معلومات ایدینه‌مزلر. فقط تدریجاً ذکای بشرده حصوله کلن
نهضت ادراک سایه‌سنده، انسانلر محیط‌لرینی، محیط‌لرنده بولونان اشیایی
یواش یواش طایفه باشلارلر. بو وقوف، ذکاک انکشافی نسبتده
آرتار. ایلک اول محسوساته دائر - پک نقصان اولمق اوزره -
بر طاقم معلومات ایدینیلیر، بو معلومات تدریجاً فقط یینه خطا آلود
اوله‌رق تزیاید ایدر.

حقیقت یا مادی ویا معنوی‌در. ماده و ماده‌نک حالات مخصوصه‌سی
موجود اوایینه هر کس قانمدر. فقط (نفس ناطقه) تعبیریه افاده
ایتدیکمز دیگر بر حقیقت ده‌ها واردر. قوای روحیه، ملکات باطنیه
افعال و احوال روحیه بویکنجی حقیقتک تجلیاتندن باشقه بر شی
دکلدر. ماده و اوسافنه یعنی عالم خارجییه اولان علم‌مزه (وقوف
خارجی) روح و احوالنه دائر اولان وقوف‌مزه (وقوف باطنی)
دنیلور. محیط‌مزه بولونان اشیایی حواسمز اعانه‌سیله ادراک ایده‌رز.
معنویاته وقوفز ایسه (عقل) و (خبر) واسطه‌سیله حاصل اولور.
ذکاک انکشافیه متناسب اوله‌رق کوندن کونه اوکره‌نیلن شیلر بر
ترتیب و نظام معین تحتنده وقوعه کلزلر. کوریلن، ایشیدیلن هر شی
منفرداً ضبط اولنور. بر چوجنک ادراکاتی، تصوراتی، افکاری
بو صورتله بنفسه Spontané حاصل اولمشلردر. طبیعی بر نظام
و ترتیبه مربوط دکلدر.

عوام ناسی تحت تحکمه آلمش اولان خرافاتر، باطل فکرلر،
دوره صباوتدن اعتباراً بلا تدقیق قبول ایدلمش اولان کوره‌نکلرک،
عنعنه‌لرک یادکار مشغولری اولدقلرنده شبهه یوقدر.

اقوام جاهله‌نک، ابتدائی انسانلرک وقوف‌لری، هپ بویله قارمه
قاریش و خطا آلود معلومات منفرددن عبارت ایدی.

فقط ذکای بشر دائماً خیال ترقیدر. بعض حادثات طبیعییه
مشاهده اولونان نظام بدیع، مثلاً، صفحات قمر، ییلدیزلرک حرکات
منتظمه‌لری، کیجه وکوندوزلرک تعاقب مرتبه‌لری، خسوف و کسوف
کبی ذهنی قیجیقلایه‌جق عجیبه‌لر، ابتدائی انسانلرک نظر دقلرینی
جلب ایلمکدن خالی قالماملردر. بو صورتله، انسانلرده محیط‌لرینی،